

1903

C O D I C E S

1904

do inscribuntur, et prima quidem jam fol. 6. p. 2. *Sermo de Purificatione beate marie uirginis*, incipit is: *Postquam impleti sunt dies purgacionis marie secundum legem moysi. ea que secuntur. i. tulerunt ihesum in ierusalem ut sisterent eum domino. Ideo non proponimus. quoniam eos ad quos hec pertinent docere non debemus. Ipsi enim doctorem habent deum. qui scientiarum dominus est. et ideo necesse non habent ut quis eos doceat. &c. Quinam vero hi? Angeli, qui nos finita purgatione Deo præsuntant. Nihil ejusmodi in *Editis Bernbar-di*, neque in *Festo Purificationis*, neque in *Festo Michaelis*. Idem dic de *Sermone sequenti in Purificatione* pariter *Bernbardo* tributo, cujus initium: *Quod celebramus diuina iuuante gratia eciam agere uellemus &c.* Idem de aliis sex per decursum *Sermonibus*, donec tandem in genuinum ejus *Sermonem II. de Adventu Domini*, qui incipit: *Audiuimus suadentem Regi Achaz &c. fol. 122.* incidat. Nota tamen inter *Sermone* ἀδελφότητος quosdam etiam reperiri *Bernbardinis*, ut est ille fol. 130. in *vigilia natiuitatis domini de sententia* (Maur. de pronuntiatione) *marthiologij. Sonuit vox leticie &c.* Atque haec de *Homiliarii* hujus indole notasse sufficiat; neque enim animus fuit excutere singulas *Homilias*, quod multae genium *Bernbardi* non saperent, et fortassis ex iis essent, quas *Mauriani* in *Editione recentiore Coloni.* et *Homeyano Patrum Supplemento* destituerunt,*

ne in spuriarum quidem *Classem* referentes, quibuscum *Codicem nostrum* penitius contendere poterit is, e cujus re fuerit. Illum in *Bobemia* aut scriptum, aut saltem olim versatum fuisse, e uoculis *Myla Maria* ad calcem *Homiliae fol. 9.* adjectis concludo.

DCCXCVIII.

Codex chartaceus lat. Sec. XV. U. 206 cum Adpendice membranea Sec. XIV. Folior. 108. 4. non una manu scripta Farrago est continens 1) post *Fragmentum Initii Geneseos* *Sermone* VI. de *Festo Dedicationis*. 2) *Martyrologium*, five breues *Memoriae Sanctorum*, de quibus per anni circulum officium fit in *Ecclesia*, auspican-do ab *Adventu. Aduentus christi agitur per 4<sup>r</sup> septimanas ad signandum, quod est quadruplex aduentus filij dei &c.* Finit in *Chrysantho et Daria*. In *Germania* scriptum docet *Transfiguratio die Wandlung der gestalt gotcz.* 3) *Sermone* V. de *Passione, Resurrectione et Dedicatione*. 4) *Incipiunt decem Precepta secundum uetus et nouum testamentum.* Methodus tractandi haec est, ut primum natura cujusvis *Praecepti* explicetur, dein illustretur e veteri, tum e nouo *Testamento*, demum a figura unius e decem *Plagis Aegypti*. Initium: *De decem preceptis tractaturi in generali breuiter est docendum &c.* 5) *Tractatus de VII. Vitiis capitalibus* et totidem obpositis *Virtutibus* sub *Schemate* totidem *Adparitorum*

1905

HOMILETICI

1906

rum a Diabolo et Deo missorum jam Vol. I. indicatus. Incipit: *Misit Rex Saul septem apparitores ut raperent Dauid. 1. Reg. 19. &c.* 6) *Sermo de nouem peccatis alienis in illud: Ab occultis meis munda me domine, et ab alienis parce seruo tuo. Ps. 18.* Incipit: *Ista verba sunt prophete Dauid in quibus duo petit &c.* Valde popularis est, et inter alios monet illos, qui a meretricibus, uel luforibus, uel subtractoribus seu Phothsneydern censum recipiunt. Sartores indusiorum lineorum intelligi puto a antiquato sed Rusticis vel hodie familiari Pfaid, goth. Paida, island. Paita, laciniis subfurantes, qui etiam dum Plebi nostrae Pfaidler dicuntur; unde Sermone hunc Germanis habitum intelligas. 7) Homiletica varia, Loca Bernhardi, Themata Diſtionum.

II. fol. 81. Incipit, ut in calce habetur, *Officium contra grandines et tempestates. Sacerdos pri-*

*mo celebret missam de beata uirgine, Officio uero completo Sacerdos accipiat corpus christi cum uola sonante et cum sacris indumentis et deferat secum circa fruges legensque quatuor Inicia que sequuntur. ad quatuor plagas scilicet meridianum occidentem aquilonem et orientem et primo legat sanctum euangelium ut supra. Euuangeliiis singulis subjunguntur Exorcismi et Orationes, et in fine adduntur Benedictiones Agni paschalis, Carnium, Lardi, Casei, et Panis.*

III. fol. 87. Incipit *summa Raymundi Profayca.* Nota est *Raymundi de Pennafort O. P. a. 1256.* defuncti *Summa IV. Libris constans, glossis illustrata ab ejus Sodali Guilelmo Rhedonensi, ut pluribus exequitur Quetifus T. I. p. 109.* Hanc quidam, quem *Adamum* uocat *Fabricius Bibl. med. Lat. L. XV. p. 225.* in *Compendium metricum* redegit, quod mihi objacet impressum *Colon. 1495. 4.* et incipiens:

*Summula de summa raymundi prodijt ista.*

Et quanquam Redactor hic dicat:

*Inter doctores hunc nolumus ire libellum,  
Paruis et rudibus quem duximus esse legendum;*

contrarium tamen sentit praesens Pedester noster, qui uult, ita enim orditur, *Vt ponatur ad uerba profayca propter hoc, ut in una lectione simpliciter quilibet aliquatiter loqui sciens latinum ipsam intelligat absque omni glosa et difficili supplectione necessariorum uer-*

*borum dimissorum in uersibus. Atque adducto exemplo Bibliorum, Patrum, Ictorum et Medicorum, qui omnes soluta oratione ufi sunt, ridicule in Poetas inuehitur tanquam solos, qui secundum philosophum primo Metaph. Multa menciuntur adorantes ydola et scribentes*

1907

C O D I C E S

1908

bentes libros metricae, quos prius alij scripserunt profayce, destruentes utique per hoc communem modum loquendi latinum ipsis scolaribus &c. Summam metricam per spacium fere dimidij anni Discipulis praelegi consuevisse, suam in vno mense de die in ea studendo per vnam horam intellecturos, et quae sunt ejusmodi frivola.

IV. fol. 99. manu Sec. XIV. in membrana per 2. columnas *Inci-*

piunt capitula exceptionum quarundam collectarum de opusculis beati Bernardi continencium quaedam uerba melliflua de beata Virgine M. Sunt VI. verum sequuntur VII. alia in diversos Textus N. T. sacris Oratoribus, ut videtur, destinata.

Codicem utrinque vestit Membrana *Psalterii* hebraici fragmenta nitide scripta a *Pf.* 16—34. exhibens, de qua vere dicas:

*Doctior est Codice Theca suo.*

## DCCXCIX.

U. 45 Codex chartaceus lat. Sec. XV. Folior. 205. f. partim per duas columnas minio distinctas, partim lineis longis exaratus hanc in anteriore Theca Notam praefert, *Hic continentur aliqui sermones facti in depositione defunctorum. Item expositio epistole pauli ad ephesios secundum quod legit in scolis egregius vir Magister Petrus (Reicher) de Pirchenwart, cuius anima deo uiuat. Item expositio epistole pauli ad philipenses. Item postea dubia circa epistolas predictas secundum ordinem vsque ad finem. Initium igitur faciunt Sermones XIV. funebres, partim adaptati Commemorationi OO. Fidelium Defunctorum, partim specialibus Exequiis, puta nobilis et potentis Viri, Archiepiscopi, Episcopi, Abbatis, Senis, Juuenis, multum Passi &c. Hos inter notandus fol. 20. p. 2. Sermo X. qui incipit: Propter sapientiam et scientiam horum que dicuntur*

*ducis vita longior erit. Prov: 28. Rumores flebiles et lugubres audivimus qui nobis omnibus ingerunt amaritudinem et dolorem videlicet de subtractione karissimi viri s. domini karoli ducis Regni Iherusalem et Sicilie regis Illustris — qui de morte sua dampnum magnum est et maxima iactura non solum regi patri suo. et domui regie. et toti regno Sicilie. verum etiam Romane ecclesie cuius erat fidelissimus propugnator. Est is Carolus Dux Calabriae Patri suo Roberto Andegav. praemortuus 10. Nov. 1328. Unde Orator noster: Benedictus deus qui dedit dauid in domino Ruberto iberusalem et Sicilie rege, per dauid conuenienter intellecto filium sapientissimum scilicet dominum karolum kalabrie ducem. Comparat deinceps hunc Ezechiae conterenti statuas et serpentem aeneum, et invehitur in credentes esse christi vicarium et imperatorem verum ubi non erant. Christi enim vicarius non erat tunc Rome sed in Auinione, nec Imperator*